

malpaleoit teloet, na nigetj teleg ista getj oen ageti nsetoegel. Tögo totjio Pal Noel Pöl mögoetj patlliasel nemia goll na metoerepeneg metja. Ag Lemi Amoo malsignatig oetjiet. Nin Tonigen Mäggj Aitjig miga agaseoit notji ginamoetisgo.

Sagmas Tenas oetjleteg Atara, oitj etititjel Piel Glinisal, tetli nagaticjig Setan Istogotjg, oelaptemititj alaset mögoöm ag geginamoetögoön pilela.

PROGTOG OALNEG—pon. 31.—pap oagentitj pmiateo maltigloimg ag pet agentitjel ntoisgasital 5 apignatjig, ag migmaoel oigepalting 7 tesogonitj —Lnoi Sagmas.

MIELSIGNA(ITJIG—29 pon.—Noeloo imgeg maoi gelöligeg elmega, mögoetj Inim pogoellogoag oeltelgetaga, mset oenag gelositag, etna gholtesög igesen patlliasaga na totjioa nagöoega ag tep gigea; ag soel gagi mitögoitapenig tanig etlogotitjig mipogtogoa, gato aptj apatjitatig gisi ponameoimgega.

Teli oölgisgeg tjel 26 tes. tepg. maoi pögoelgag gelemoetjag alagsinga mos igisgetoga; me gato paglaloageneg, meta amgoes nemogsitjig tesit gelem oetja otjit na tetotjlag taima ola sis ena, etog tjel ma nogotj gelemoetjoin og pemi nippa.

(Ponameoigeoel tepgenoset 29 tes. thlisip nagtegeg sagmas Toma Nagis ag oigmatja elatitig metepenagiag, ag etog na nogotj itag natel glapis oetjgeoeia nagoega, ag etog nög gel oig tan teli msememittj mimatjoagan itoga, ag mesgig tan teli tagoatesge mititj oigoöoa ag gioatjalatitji ontjan oaa.

Ag petji mitogoetag Antle Glet ag oigmatjel, na nigetj elmietag sepai; ag Egian Glet pegisingep elmietag ol agoa ag tjinema elmalata elitotitjel itög ligpenigena, ag Tjems Gletög elp sepai matjasite elietag tan tet tamia panseg, natji malieolpenag negla gato mögoetj gisi maliooigoa. Ag Pasil Agostin petji mitogoalapeni ongigoa. Ag Möllpiög pögtji osipenag, nigetj aptesgasig malsanögoöm, mögoetj gö goal netoisgasimg. Nin Aitj.

**ALASOTMELSEOANETJ**

MALI GLÖTÖG, Toma Glöt otepite imag, nepgenag oegöpegitg, 16 tes noel. tepg., mesgig alames elttasigsep Istogotjg otjit negema 15 ponameoimg eoel tepgenoset \$5.00 apangitasig.

LASEL GÖMENÖG, Egian Gömen

ogomatja, Cambridge tetli mpegag 28 tes. noel. tepg. Pelloig tlelag, Gempig tetli otgotalotag naglatji 6 tes. mitj oatjitj ag otjinemomel mesgeletjel.

PLISIT TJOLLANÖG, Tjöe Tjollan ogomatja, 16 tes. pon. tepg. nepgag oegöpegitg, mesgig alames \$5.0 elp elittasigsep 31 tes.

Getj alasetmelseoanetj tanag itög sag etli Inosgeoitag gtagamgog etli mpegag gtjigosö 27 tes. GLISTIN PAL teloisitag. Sesos tamametj otjitjagm itjel oetölitetemoan, ignemoan laptjio atlasemoti tan teloitsemeg mesta otö ti.

Aptj gteg etli olmetögsepenag mal tjeoetj epitetitjlag tetli mpegag gtjigosö 31 tes., ponameoimgeg patllias ot gotalata, PELIN PENOE teloisitag 12 tetotjlagag, otjel naglatjel ag oemittjol ag ogoetjitel, otjigenamiel ag ogsisel; cantagötigtog tetli gagetag; mögoetj soel gisi tloemeg gtlasotmelseoaneno, meta soel getjitemg mögoetj memoeg. eg, tjel paseg oetji apögönemot, neg em tedgig teli olmetög oteli apögöne mon, ag tan teli oltasimg elmietj tel gtlg ansaleoit tan etli ponameoit oasög na nagoeg mo oetji alasetmameg otj it mesgeimgeoei, oetji alasetmamg otjit olitasoti. N. T. J. G.

PIEL NOELOG gisi otgotalotag na toaganeg gisi noel. tepg. 29 tes.

Tjinemag nepgag getoi moeoloimgeg mesgig oalneg Isipogtog GAPIAEL GLELÖG, maoi olmetögoag ag oeli angöttag otaneg plismenaga; pagialo itieg tan teli ngasi nep ag mesgöl itieg, Inim eosami gtjittjög otmögön tan teli pmattasiga.

**OETMITETASIGEL**

Angapten tan eoigasig aglasieoitog tet ogtetjgeoei nipigtog, migmaoel petoatigsel.

Tan oen gegong sagaoel gögoel tela mogol tan gisi ntoisgetögös, genoat otjt tan tellamogol ag tan telemoisepen

Sagmas Lopel Loi gtagamgog teloi giget: Oegela elgitemolanel \$8 00 otjit mitjimg igatotitj tan pamamgeoei pestieoimg, oegela tet oisonoal tetli oigasigel eponega.

Net negela tapoöoag Inog tan teli igatlagatitjig, amsgoesoei ögottj sol jeoei pigtog oetjlag. Mset moticälö tjljg.